



Siverth K. Heilmann  
Atassut

UKA 2021/80  
9. november 2021

**Eqqakkat plastikkiusut atoqqinneqarsinnaangornissaannik, sanaartornikkullu atorineqarsinnaangortinnissaannik periarfissat suunersut pillugit Naalakkersuisut UKA 2022-mut agguassassamik nassuiaasioqqullugit inatsisartut aalajangiiffigisassaattut siunnersuut. Nassuiaammi pisortat namminersortullu suleqatigiissutigisinnaasaat, aningaasartuutaasinnaasut, inatsisitigut suut allannguutaasariaqarnersut, allatigullu tapereriaatsikkut periarfissiisinaanissaq minguinnersumut ikaarsaariarnissamullu iliuusissat qulaajarneqassapput, kiisalu immikkoortiterinermut atortorissaarutit allallu sanaartugassaasariaqarnersut ilannguneqassapput.**

(Inatsisartunut ilaasortaq Aqqalu C. Jerimiassen, Atassut)

Siullermik inatsisartuni ilaasortaq Aqqalu C. Jerimiassen Atassut inatsisartunut aalajangiiffigineqartussamik soqutiginarluinnartumik siunnersuuteqarninnut qujanaq, imatullu Atassummiit naatsumik oqaaseqarfigissavarput.

Nunarput avammut minguitsorsuunera nuannaarutigalugu nittarsaallugulu oqaasinnaaraarput. Tamannali eqqortorta qaraluaqisoq ajoraluartumik aamma pinngortitami inoqarfinnilu mingutsitsinerujussuarput arajutsisimangilluinnarparput. Ajornartorsiutittali anigorniarnernanut kommuunit Inatsisartunilu aningaasaliisarnitsigut, qujanaqisumik ikuallaaviit, ukiunilu kingullerni Nuummi Sisimiunilu ikuallaavissarsuarnik sanaartortoqarnissaanut, eqqakkanut ajornartorsiuteqarnerput itisilinngikkaluarlugu annikilleriarujussuarnissaanut isumalluarnarpoq.

Atassummiit siunnersuuteqartoq isumaqatigilluinnarparput, atoqqiisarnermut suugaluartunulluunniit nunatsinni pikkorinnerulertariaqartugut. Sanaartorneruppat nunani allani issittumi nunaqartut misilittagaat pitsaaqutit sanngiiffiusullu ilinniarfigalugit atorluarneqarsinnaaneri naleqqusarfigineqarnissaalu Atassummiit kaammattuutigisaannarparput, tamannalumi aamma ilaatigut assigiinngitsutigut kaammattuutigut malinneqarsinnaasarput iluaqutigineqarsinnaasarlutillu.

Siunnersuuteqartup tungavilersuutaani plastikki nunami allami aamma eqqaannarneqartartoq katersoriarlugit blokkiliarineqartarsimaneri sanaartornermi iluatsilluartumik atorineqartarsimaneri tikkuarneqarput. Tamannaannarluunniit eqqaanerujussuatsinnut taarsiullugu, atorluaanissamut pisariaqartitsinitta nalilersornissaanut aamma Naalakkersuisunit taparserneqarnera nuannaarutigalugu, ataatsimiititaliamut susassaartumut susassaartullu allat peqatigalugit ingerlateqqinneqarnissaa Atassummiit isumaqataanerput nalunaarutigaarput.

Qujanaq.